

建炎以來繫年要錄 一四



建炎以來繫年要錄

(四十)

李心傳撰

建炎以來繫年要錄卷一百五十一

【紹興十有四年】

歲次甲子。金熙宗宣統四年。

春正月。案是月癸丑朔。

丁巳。燕北使於紫宸殿。權侍郎正刺史已上預焉。

戊午。吏部尚書羅汝楫爲大金報謝使。瀛海軍承宣使知閣門事鄭藻副之。以金來賀正故也。

己未。金國賀正旦使完顏曄等辭行。自通好後。金使至闕。見辭燕射密賜。共白金千四百兩。副使八百八十兩。襲衣金帶三條。三節人皆襲衣塗金帶。上節銀四十兩。中下節銀三十兩。自是以爲例。

趙姓之遺史。紹興三十一年五

月。又書從例。使副酒各四大金瓶。瓶并器合盡與之。會要不載。當考。

乙丑。故奉議郎河北軍前通問使魏行可特贈右朝奉郎祕閣修撰。以行可父右通直郎致仕伯能有請也。先以官其一弟二子。至是復官其一孫。

初。太傅體泉觀使咸安郡王韓世忠之罷樞筦也。上命存部曲五百人。俸賜如宰執。丙寅。世忠言。兩國講和。北使朝正恭順。此乃陛下沈機獨斷。廟堂謀謨之力。臣無毫髮少裨。中興大計。望將請給截日住支。并將背嵬使臣三十員。官兵七十人。撥赴朝廷使用。詔使臣令殿前司交割。餘不許。

丁卯。詔上津。豐陽二縣隸金州。資政殿學士提舉臨安府洞霄宮王次翁以舊職致仕。次翁自言疾勢

困重乞納祿故也。太師秦檜憐之，餽問不絕。集英殿修撰提舉江州太平觀黃龜年落職，令本貫福州居住。龜年爲御史，嘗論秦檜之罪，至是寓居四明。右司諫詹大方奏：龜年昨緣諂附匪人，搢紳不齒。今當朝廷清明之時，自宜退聽深藏，而乃覆出爲惡，陵壓百姓，干撓郡政，害及一方。上覽奏曰：此豈士人所爲，乃有是命。

己巳，直龍圖閣知臨安府張叔獻陞敷文閣待制。

辛未，封普安郡王婦郭氏爲咸寧郡夫人，給內中俸。郭氏，祥符人，故奉直大夫直卿孫也。

癸酉，侍御史李文會試御史中丞，右司諫詹大方試右諫議大夫。

丁丑，詔四川路內藏錢帛，竝易輕齋赴行在，惟絹以本色。

戊寅，內出鎮圭付國子監，以奉文宣王。先是有司請以藥玉或岷石爲之，上曰：崇奉先聖，豈可用假玉。

左朝奉大夫祕閣修撰趙子偁旣卒，詔侍從台諫集議。普安郡王當持何服？議者張澄、李文會、秦熺、周三畏、王煥、劉才邵、詹大方、張叔獻、段拂、何若游操奏：檢照國朝會要，嘉祐四年九月，詔使臣內殿崇班太子率府率以上，遭父母喪，竝聽解官行服。宗室解官給俸，所有普安郡王持服，乞依故事。

庚辰，秦檜進呈，上曰：初議養宗室子，今子偁死，若不使之持服，則非本朝典故，宜從其議。

熊克小厓云：普安郡王瑗以父子偁

身故，乞持服。日厓議狀全文不云王自陳當考。

瀛海軍承宣使知閤門事充大金報謝副使鄭藻改鎮東軍承宣使。

日厓不言所以，程敦厚外副集有華州觀

察使傳忠信改除制詞云。朕方務昭大信。以固圉。故推長利而正名。可溫州觀察使。

二月壬午朔。尚書工部侍郎王煥充寶文閣直學士。知平江府。從所請也。

癸未。宰執奏權貨務茶鹽推賞事。上因論祖宗茶鹽之法。納粟於邊。請鈔於京。公私皆便。不惟邊面可實。而又免轉輸之勞。朕嘗思祖宗立法。無不善者。豈可輕議變易。上又曰。朕因前日金使須要射。以謂武備不可一日弛。深慮邊事寧息。諸軍稍怠。朕見造金銀碗。將因暇日親閱。用此旌賞以勸激之。

熊克小厓載此事於二月戊寅

案二月無戊寅。戊寅乃正月二十六日。不知克何以差誤。

少傅鎮潼軍節度使江南東路安撫制置大使判建康府兼行宮留守信安郡

王孟忠厚與資政殿學士知紹興府樓炤兩易。左承議郎潼川府路轉運判官楊椿改本路提點刑獄公事。時諸路漕臣多獻羨餘。獨椿無所獻。帝曰。今瘡痍未瘳。愧不能裕民力。其肯掊克以資進身耶。

乙酉。左朝奉郎江南東路制置大使司參議官朱敦儒爲兩浙東路提點刑獄公事。

丁亥。召川陝宣撫司使宜合換給文字。限一年陳乞。盡今冬毋得受。先是宣撫副使鄭剛中乞將磨勘酬賞等事收還省部。卻將軍旅事務便宜施行。故吏部以爲請焉。靖州乞依舊置新民學。教養溪洞歸明子弟。以三十人爲額。從之。

戊子。國子業司高閑等率諸生上表請視學。手詔宜允。故左朝奉郎劉長孺特贈二官。錄其家一人。以

權華陰縣日死事故也。

長孺已見紹興九年。

己丑福建安撫使葉夢得乞將見拘留海船與不係籍船戶輪流差使。上曰：不惟海船一事，民間積欠亦可放。秦檜曰：自來諸州各乞放積欠爲惠不均，欲令戶部取諸路之數條可蠲者以聞。上曰：善。因言朕頃在山東、河北備見民間利病，如官司綱吏下鄉催科，此適足資其爲姦耳。乃詔江浙等路紹興八年以前拖欠並與蠲之。

放欠指揮在此日癸巳，今並附此。熊克小廩載福建帥司所奏在甲申，今從之。日廩中興聖政內史臣曰：聖人中心之仁，鵠猶穀之有種也。上因海艇之請而逮及於遺賈，蓋其愛人利物之誠，根於聖性，故有以感發之而仁不可勝

矣。用

辛卯復置教坊。凡樂工四百十六人，以內侍充鈐轄。

三十一年六月罷。

甲午上諭大臣曰：昨嘗降旨諸軍揀汰人數，令便招填，可嚴切行下。不然，闕損軍額，不可不慮。恐緩急誤事。時皇太后築外第，有遷徙居民處，命臨安倍支船挈之費，仍對撥官屋居之，毋令失所。

二事熊克小廩繫之三月甲子。

今從日廩。

乙未鈞容直乞推賞。上曰：可與支賜，仍降旨爲第一次祇應有勞。今後並依此體例，庶絕其後來希望耳。丙申上謂大臣曰：近見鄭剛中奏減民間科須數目不少，朕聞之頗喜。自是四川之民當少蘇矣。給事

中兼權直學士院楊愿等送伴北使還入對自是率如之

戊戌初令四川都轉運司歲撥總制錢一百七十三萬餘緡市輕齎竝細絹四萬七千餘匹綿四千五萬餘匹赴鄂州總領司椿管自去秋以右護軍統制田晟所部隸馬司故取其贍軍錢帛至今蜀中號田四廂錢是歲四川始取稱提錢四十餘萬緡以備軍費

詳見十八年四月乙酉

丙午左通奉大夫參知政事万俟卨依前官提舉江州太平觀先是高使金還太師秦檜假金人譽已數十言囑高奏於上高不可他日奏事退檜坐殿廬中批上旨轍除所厚官吏鈐紙尾進高拱手曰偶不聞聖語卻不視檜大怒自是不交一語御史中丞李文會右諫議大夫詹大方聞之即奏高黷貨營私窺搖國是高再上章求去上命以資政學士出守及入謝上問勞甚悉檜愈怒給事中楊愿因封還錄黃乃有是命同知大宗正事士穠請宗學生以百員爲額大學生五十小學生四十職事人各五人從之

己酉資政殿學士新知紹興府樓炤過闕入見即日除簽書樞密院事兼權參知政事。中書舍人兼直學士院劉才邵祠部員外郎王觀國竝罷。御史中丞李文會論二人皆以附万俟卨爲腹心中懷異意自作弗靖若久在朝必害至治乃以才邵知漳州觀國知邵州軍器監陳康伯權尙書吏部侍郎尙書左司郎中李若谷權工部侍郎以將出使也樞密院檢詳諸房文字吳秉信守右司員外郎倉部員外郎王循友爲樞密院檢詳諸房文字奉國軍節度使知金州兼樞密院都統制郭浩檢校少保以將還鎮也

三月壬子朔。上謂大臣曰。聞臨安府官地。民間見佃者。近日頗爲豪強所奪。至毀其屋宇。此事在民利害甚大。宜令禁止。仍舊給與小民。

癸丑。秦檜等奏。選除武崗軍守臣。上曰。猶人當安。不可擾。烟瘴之地。遣兵討伐。視他處尤難。不可不慎。乙卯。輔臣進呈諸路未發上供錢糧數。上曰。江浙京湖積年拖欠皆虛數。紹興十年以前。除形勢及第二等以上戶外。悉蠲除之。仍出榜曉示。官吏故違。許之越訴於朝。資政殿大學士提舉臨安府洞霄宮張守爲江南東路安撫制置使。兼知建康府。

丁巳。以右護軍選鋒左右游奕軍爲馬軍司第五至第十將管軍。田晟部曲始至行在故也。

庚申。戶部尙書張澄乞諸路坑冶委的有名無實去處。今憲漕司別立酌中課額。仍覺察無令有力之家。計囑幸免。致下戶受弊。上曰。寧於國計有損。不可有害於民。若富藏於民。猶國外府。不然。貧民爲盜。常賦且將失之。此有若所謂百姓足。君孰與不足者也。尙書禮部侍郎秦熈兼資善堂翊善。從所請也。權禮

部侍郎段拂兼資善堂翊善。

熈免兼資善必有說

丁卯。改岷州爲西河州。

金人避阿骨打諱。更爲祐州。至是改之。

與階、成、鳳州皆隸利路。

端明殿學士川陝宣撫副使鄭剛中

改四川宣撫副使。去陝字。

日麻無此。今以會要修入。

己已上幸太學。祇謁先聖。止輦於大成殿門外。步趨升降。中興聖政。史臣曰。治道莫盛於堯舜。而夫子則明堯舜之道者也。故欲學堯舜之治。必先推本明堯舜之道。退御

敦化堂。命禮部侍郎秦燿執經。國子司業高閱講易泰卦。權侍郎正刺史已上竝與坐。講畢。賜諸生席於廡下。啜茶而退。遂幸養正。持志二齋。觀諸生肄業之所。賜閱三品服。燿與學官皆選官。諸生受官免解。賜帛如故事。中興聖政。臣留正等曰。學校以教之。王政之本也。樂育人手。菁莪之義也。士不素養。而求一旦之用。猶兵不素練。而責其一

日之戰也。太上皇帝興太學以養天下之士。慮其未廣。又下增員之令。譬之嘉穀。種之力者獲必豐。養之至者才難何慮矣。

詔今後臣僚有面刺大字或燒炙之人。許入見。時諸將多起於羣盜。上旣命更迭入朝。統制官李用者。面刺雙旗。閣門以爲疑。故審於上而有是命。此以會要增修。

壬申。太師秦檜言。陛下文德誕敷。干戈載戢。乃者祇謁先聖。遂幸太學。躬行之化。乃在斯舉。臣不勝慶幸。乞宣付史館。仍許拜表稱賀。上曰。非卿力主和議。兵革休息。則學校何由興。所請宜依故事。熊克小厓云。上幸太學。言者以

爲盛事。乞宣付史館。蓋誤。

權尙書禮部侍郎兼權實錄院修撰兼資善堂翊善段拂試中書舍人兼職如故。國子司

業兼崇政殿說書資善堂贊讀高閱權尙書禮部侍郎徽猷閣直學士胡寅聞之。移書責閱曰。太學者。明人倫之所在也。閣下召自閑廢。有成均之命。竊自計曰。今天下方無三綱。斯人之所以來乎。及見請視太學之表。寅心惕然。不意閣下有所請而有斯言也。昔秦楚敵國。懷王不還。楚人憐之。如悲親戚。蓋忿秦之

以強力姦詐加於其君。使不得死。其僭勝於加之刃也。太上皇帝。我中原受命之主。劫制強敵。生往死歸。此臣子痛心切骨。坐薪嘗膽。宜所以必報者也。而柄臣者。乃敢欺天罔人。以大讎爲大恩乎。昔宋公爲楚所執。楚子釋之。孔子筆削春秋。乃曰。諸侯盟於薄。釋宋公。不許外國之人得制中國之命也。太母。天下之母。其縱釋乃在外國之君。此中華大辱。臣子所不忍言者也。而柄臣者。乃敢欺天罔人。以大辱爲大恩乎。大宋基業封疆。皆太祖太宗收用英俊。勤恤民隱。躬擐甲冑。與天下士夫勞苦以得之。又累聖嚴恭寅畏。不敢荒寧而守之者也。今關河重地。悉爲敵封。園陵暴露。不得瞻守。族宗拘隔。不得相見。土地分裂。人民困苦。不得鳩集。冤恨之氣。外薄四海。不得伸雪。而柄臣者。方且施施然厚誣天下。自爲有大功乎。閣下受其知遇。何不勤勤懇懇而爲之言乎。言而或聽。天下國家實幸之也。晉朝廢太后。董養游太學。升堂歎曰。天人之理。旣滅。大亂將作矣。則遠引而去。今閣下目睹忘讎逆理。北面事敵。以苟宴安之事。猶偃然爲天下師儒之首。旣不能建大倫。明天人之理。以正君心。乃阿諛柄臣。希合風旨。求舉太平文具之典。又爲之詞曰。云云。欺天罔人。孰甚焉。是黨其惡也。人皆謂閣下平生志業掃地矣。數十年積之。而一朝毀之乎。春秋之業。誅國賊者。必先誅其黨。麻觀往古人君。以無道行者。猶不能終。況人臣而敢肆然以無道行之乎。一旦明天子監亂亡之禍。赫然震怒。以咎任事者。嗚呼危哉。豈不與董養異哉。閣下不及今翻然改圖。則必與之俱矣。尙書右司員外郎吳秉信守起居舍人。御史中丞李文會言。建寧軍承宣使提舉江州太平觀解潛。本趙鼎之客。不從和議。及和議之效旣著。居常不樂。明州觀察使浙西馬步軍總管辛永宗。

好撰造言語。變亂是非。二人者。守官寄居。皆在平江衝要之地。唱爲異說。恐使命往來。傳聞失實。旋致疑惑。誠爲未便。詔永宗移湖南副總管。潛責濠州團練副使。南安軍安置。何備龜鑑曰。竄王庶。檜怒其不附和議也。竄胡銓。檜怒其曾沮和議也。論趙鼎。論曾開。論李綱。遜而此心無愧之張九成。既與之編置不肯附和議之解潛。亦從而謫居焉。王次翁之力排趙鼎。則喜之。孫近之請召張浚。則惡之。生殺廢置。惟己所欲。異時賢士五十三人。皆欲置之死地。獄成未上。而檜則自斃矣。天之所欲。又豈人之所能爲哉。

癸酉。秦檜進呈講筵闕官。因言。陛下聖學曰躋。實難其人。上曰。朕學問豈敢望士大夫。但性好讀書。檜曰。士人讀書固多。但少適用。若不適用。或託以爲姦。則不若不讀之爲愈。上又曰。王安石。程頤之學。各有所長。學者當取其所長。不執於一偏。乃爲善學。檜曰。陛下聖學淵奧。獨見天地之大全。下視專門陋儒。溺於所聞。真泰山之於邱垤也。乃以御史中丞李文會兼侍讀。右諫議大夫詹大方。權禮部侍郎高閌並兼侍講。閌仍兼資善堂翊善。太學博士陳鵬飛兼崇政殿說書。尙書禮部侍郎秦熺兼直學士院。

乙亥。上出文宣王贊刻石賜學官。高閌言。陛下贊文。形容先聖盛德。無愧於古。上曰。唐明皇作贊文。乃斥先聖先師之名。非尊儒重道之意。閌曰。此尤見聖學高出前代帝王之上。其後上文悉贊七十二子。

丁丑。左奉議郎敕令所刪定官李朝正守尙書吏部員外郎。司農寺正宋貺爲金部員外郎。

貺。歙縣人。初見紹興十一

年七月。

戊寅。尙書省勘會趙鼎。李光。折彥質該去年郊恩合行檢舉。詔更俟一赦取旨。右宣教郎新湖南安撫

司參議官王鉅獻祖宗八朝聖學通紀綸詔遷一官。

己卯左中大夫提舉臨安府洞霄宮富直柔復端明殿學士。右宣教郎新利州路提點刑獄公事李志行乞戒飭諸路帥臣監司將前後所承寬恤民力及恤刑詔書恪意奉行違者重寘典憲上曰二事皆切中時病方今兵革既息惟寬恤民力欽慎庶獄是爲急務可令有司申嚴立法行下。庚辰召諸軍應有刻板書籍竝用黃紙印一帙送祕書省夏四月癸未葬柔福公主主旣死從梓宮者以其骨歸至是葬之。

甲申詔刑部將半年以上未結絕公事行在委本部外路委監司責限結絕內日月稍遠者取問因依申奏以都省言四方多滯獄也。

丙戌命太師秦檜提舉製造渾儀詔有司求蘇頌遺法來上上謂檜曰宮中已製成小範可以窺測日以晷度夜以樞星爲則蓋樞星中星也非久降出用以爲式但廣其尺寸爾遂命內侍邵鄂專主其事將作監丞蘇籀面對乞取近世儒臣所著經說集而成編以補唐之正義闕遺上諭秦檜曰此論甚當若取其說之善者頒諸學官使學者有所宗一則師王安石程頤之說者不至紛紜矣。續初見紹興三年九月

左承議郎

林待聘充敷文閣直學士知衢州待聘初免喪乃有是命責授左朝散郎祕書少監漳州居住孫近責授左朝奉郎祕書少監筠州居住范同竝復三官提舉江州太平觀近興化軍同池州居住用尙書省檢

舉也。顯謨閣學士提舉亳州明道宮曾懋卒。

丁亥。秦檜乞奏禁野史。上曰。此尤爲害事。如靖康以來。私記極不足信。上皇有帝堯之心。禪位淵聖。實出神斷。而一時私傳。以爲事由蔡攸。吳敏。上皇曾諭宰執。謂當時若非朕意。誰敢建言。必有族滅之禍。樓炤曰。上皇聖諭亦嘗報行。天下所共知也。檜曰。近時學者不知體人。謂司馬遷作謗書。然武紀但盡記時事。豈敢自立議論。祕閣修撰知虔州薛弼言。江東鎮民居木柱。內有天下太平年五字。適符上元甲子之歲。此殆天發其祥。非人力所能爲。詔侍從同觀。仍送史館。

庚寅。皇后謁家廟。推恩外家。

甲午。執政奏呈得泗州牒。金人復索淮北人之在南者。上曰。第令邊臣報以朝廷見依誓書發遣。蓋誓書所載。淮北人遣歸者。取其情願也。秦檜曰。如此甚便。樓炤曰。早來秦檜所論。仰符聖訓。趙銍之遺史。今年四月。命州縣刷遣前後歸明。

人發還金國。乃與秦檜奏對之語全不同。

命侍衛馬軍司將官張守忠往福建捕盜。時海賊朱明熾甚。將官武功大夫張深與戰而死。故遣守忠捕之。上謂大臣曰。民愚爲盜。不足蕩平。第憂被驅脅。雖釋其罪。使之歸業。生理已蕩析矣。

乙未。吏部奏以左朝請大夫主管台州崇道觀趙令衿通判德安府。時令衿以事至臨安。御史中丞李文會論令衿頃在建康爲郎官。適淮西之變。乃以急速請對。實爲大臣游說。陛下察見姦僞。卽賜黜罷。今乃

恬然不顧。依舊奔走省謁於此。詔送吏部。仍日下出門。

丙申。顯謨閣直學士提舉江州太平觀劉寧止卒。

戊戌。權吏部侍郎陳康伯爲報大金賀生辰接伴使。容州觀察使知閣門事曹勛副之。自是歲爲例。勛仍以嘗將到先朝御筆及編修接送館伴例冊有勞。遷保信軍承宣使。

庚子。軍器監丞蘇策轉對。乞遠方之民。委有孝行者。令州縣以聞。乞行旌表。詔申嚴行下策。軾孫也。

辛丑。少傅判紹興府信安郡王孟忠厚乞朝永祐陵等殯宮。許之。忠厚旣朝陵。將入見。謂寓居新湖南安撫司參議官王銍曰。忠厚與秦會之。雖爲僚壻。而每懷疑心。今當入朝。欲求一不傷時忌對劄。銍言。元祐中。姚麟以節度使守蔡。建言乞免帶提舉學事。朝廷許之。忠厚喜。卽入奏如銍言。詔可。尋又降旨。武臣帥守竝免繫銜。自是以爲例。此據王明清揮塵錄附入。日麻未見。

甲申。少保領殿前都指揮使職事楊存中請詣太學謁先聖。上曰。學校旣興。武人亦知崇尚。如漢羽林士皆通孝經。況其他乎。

丁未。西南小張蕃貢方物。詔廣西經略司受而答之。

己酉。詔諸州秋試官所差不足。或無經術精通之人。許於見任祠官中通選。以邵武軍軍學教授宋藻代還有請也。

五月壬子。按是月辛亥朔

詔左承議郎知筠州范寅賓措置乖方引惹生事可特除名勒停。

寅賓初見紹興二年九月措置事當考

甲寅將作監米友仁權尙書兵部侍郎。

丙辰饒州言右迪功郎姜樓等獻錢十萬緡以助國用上曰國用有常自不至闕不然雖多亦有不足之患其還之右金吾衛上將軍王舜臣復檢校少師岳陽軍節度使提舉佑神觀舜臣徽宗王貴妃之父也靖康初例納節至是特復之詔四川宣撫司就階成西和鳳州募兵赴行在先是右護軍都統制吳璘言西邊可募衛兵上諭輔臣曰諸軍招填闕額類是南人恐西北寢損數年之後始見其弊兼諸路軍器物料近多不到方閒暇時尤宜整治秦檜曰外議妄謂朝廷講好休兵不以武備爲急不知除戎器戒不虞聖慮未嘗忘也

丁巳詔祕書省火禁依星城法

己未御史臺檢法官汪勃主簿黃應南竝爲監察御史應南邵武人也

甲子資政殿學士簽書樞密院事兼權參知政事樓炤罷御史中丞李文會右諫議大夫詹大方論炤素無繩檢交結蔡京亟改京秩其帥紹興不恤國事溺愛二倡詔以本職提舉江州太平觀初作都亭駟乙丑御史中丞兼侍讀李文會言權尙書禮部侍郎兼侍講高閑初爲蔡脩之客媚蔡京以求進復錄程頤之學徇趙鼎以邀名權工部侍郎王師心奉使大金專務嗜利起居舍人吳秉信機巧便利專結樓炤

此三人者。若久在朝。必害至治。詔以閱知筠州。師心知袁州。秉信知江州。先是上在經筵。嘗謂閱曰。向來張九成嘗問朕。左氏傳載一事或千餘言。春秋只一句書之。此何也。朕答之云。聖言有造化。所以寓無窮之意。若無造化。即容易知。乃常人言耳。閱曰。說春秋者雖多。終不能發明。正如窺造化矣。上曰。九成所問極是。閱曰。陛下所答亦極是。上因問九成安否。翌日。謂秦檜曰。張九成今在何處。秦檜曰。九成頃以唱異惑衆。爲臺臣所論。既與郡。乃乞祠。觀其意終不爲陛下用上。上曰。九成清貧。不可無祿。檜疑閱薦之。呼給事中兼侍郎楊愿詢其事。文會亦劾閱。是日。拜文會端明殿學士。簽書樞密院事兼權參知政事。自是執政免。即以言者代之。

呂中大事記曰。自擢如淵中丞。而巫伋。鄭仲熊。李文會之徒。除受悉由密啓。欲竄逐諸賢。則使之露章而論其罪。欲斥去執政。則使之彈擊而補其闕。而臺諫之權在檜矣。

丙寅。太常諡故觀文殿大學士張商英曰文忠。案。勻傳爲商英請諡。在紹興七年。不知此時何以方舉行。

丁卯。左奉議郎諸王宮大小學教授葛立方言。陛下決策定計。成此中興。親迎長樂之鑾輿。坐息邊陲之烽火。格天之業。實無前比。臣雖淺微。惴惴然惟恐讒說潰成。動搖國是。早夜思之弗置也。伏望特降詔旨。申敕臣工。使之精白一意。上承休德。如有懷姦弗靖。煽惑士流者。令御史臺覽察。流之四裔。永爲臣子不忠之戒。從之。立方。勝仲子也。

紹興二十九年。朱倬論立方。嘗請以秦檜不合者立爲黨碑。檜雖不從。人皆怒罵。恐卽是此時也。

大理評事孫敏修請罪人。不以赦

降原者。遇非此赦。或再遇大理禮赦。雖有專條。亦聽原免。從之。近制犯私茶鹽。乃擅支常平錢之類。皆不

許引海行法原赦至是用敏修言始除其律焉

戊辰權尙書吏部侍郎陳康伯假吏部尙書充大金報謝使以金來賀生辰故也上欲用左武大夫嘉州防禦使錢愷爲副愷方持母喪乃起復故官假保信軍承宣使知閣門事左朝散郎尙書吏部員外郎

黃達如降一官放罷坐前知南雄州日私役禁軍販易貨物故也

事初在紹興十二年十一月

達如爲提點坑冶司所案

賊汚鉅萬獄旣上雖秦檜亦不能掩僅此罷黜人亦快之

己巳金主始遣驃騎大將軍安國軍節度使烏雅和通議大夫行大理少卿孟浩來賀天申節遣上珠一囊金帶一條衣七襲色綾羅紗縠五百段馬十四匹自是歲如之右正言詹大方言左朝散郎新知遂寧府蘇符居綸恩之地識慮暗淺朝廷畀之便郡而踰年不行徘徊近地窺伺時事人爲切齒詔降符二官趣之任

辛未天申節文武百官金國人使上壽於紫宸殿故事北使上壽畢同百官殿上賜酒三行次赴筵於尙書省至是特就驛燕之仍以執政官押伴

癸酉大燕垂拱殿

甲戌秦檜奏昨日殿宴大金人使執禮甚恭可見其向慕心上曰樂語之類朕亦嘗觀待之厚矣彼安得不然也初兩浙轉運副使李椿年置經界局於平江府守臣直祕閣周葵見椿年問之曰公今欲均稅